



西湖志  
四

南山城内勝蹟  
南山分脉城内勝蹟

ル 5  
1097  
4

共十六



1097  
4



西湖遊覽志第十二卷

南山城內勝蹟

吳山

吳山春秋時為吳南界以別于越故曰吳山或曰以伍子胥故說伍為吳故郡志亦稱胥山在鎮海樓之右蓋天目為杭州諸山之宗錫舞而東結局下鳳凰山其寺在山左折淪為吳山派分西北為寶月為雌眉為首國藉山為石佛為七寶為金地為瑞石為寶蓮為清平總曰吳山奇峯



西湖遊覽志卷十二

危峰澄湖鏡空下，  
迴環拱固扶輿淑麗。  
之氣鍾焉，是以邑  
家聲甲寰宇，恢然一  
門曰登高覽，  
章荅刺平耽，  
衛鎮崇嚴闕，  
猶喧道院僧廬，晨鐘暮鼓，青樓畫閣，雜以笙歌。  
升其巔，則縹緲凌虛，碧天四匝，山川包界，脉絡  
縷分，或昂而爲首，或穿而爲脊，或掉而爲尾，若  
亂若聯，運掌可數，楊仲弘同平章，嶼嶼子山巔。

山晚眺詩，山椒疊構，四垂寬上，相旌旗會，  
旁近江湖，天廣大，上連星斗，界清寒，龍宮未鎖，  
函書闕鳳嶺，重嗟苑樹殘，此際獨無雲，救日正  
宜翹首望長安。○隴天錫錢唐驛樓望吳山詩  
仙居時復與僧隣，簾幙人家紫翠分，後嶺樓臺  
前嶺接上方，鐘鼓下方聞，市聲到海迷紅霧，花  
氣漲天成綵雲，一代繁華如昨日，御街燈火月  
紛紛。

忠清廟東嶽中興觀王樞道院至德觀惠應廟承天  
靈應廟

忠清廟以祀吳行人伍員者員字子胥楚大夫奢之子平王以讒殺奢子胥奔吳說吳王闔閭伐楚以報父仇吳遂以伯入越棲越王勾踐于會稽越使行成子胥諫不聽卒赦越頃之吳伐齊越率其衆而朝吳子胥諫曰是豢吳也不如早從事焉又不聽賜之屬鏹以死浮尸江中吳人憐之立祠江上因命曰胥山廟唐景福二年封廣惠侯宋大中祥符間賜額曰忠清封英烈王紹興三十年改忠壯嘉熙間海潮大溢彌望七八十里隕爲洪流京兆趙與權禱于神水患頓

息乃奏建英衛閣于廟中元末燬 國初

正統十四年重修每歲以九月二十日致祭  
盧元輔胥山銘序略云有吳行人伍公子胥陪吳之職得死直言千五百年廟貌不改漢史遷曰胥山今云青山者謬也伍公絕楚出疆在平爲未宦臣在奢爲既壯子坎填伏節乞師于吳五戰至郢先王哀言無則而虐則仇成湯用爲大義孔子立爲人極言胥路爲人供騷人賦爲大怨則前文雖云行也後文走也非逆施也夫舍既下而一也 太伯廟 胥山公朝焉

宴焉入則諫... 賜竟... 海鷗... 投于水濱... 滑有脂有鹹... 扶桑交臂乎卯... 豆六代笙簧... 禮佐皇震怒... 口武王鉞紂... 矯伍員執弓... 挾矢杖其實劍... 以謁吳子... 稽首楚

罪皆中紂理... 聽奇謨錫之金鼓... 朱戮墓非楮... 越言潤宰... 諫抉眼不入... 沙類騷洗滌... 來雖非命... 我忠哉... 逋遂為策... 發不遂邑... 都俄墟以... 智死昏忠... 則有餘... 晉山之

顛殿屋渠渠千載之祠如祠之初孰作新之民  
勸而趨維忠肆懷維孝肆字我銘祠庭示后不  
誣○宋王爾詩朝驅下越坂夕飯當吳門停車  
訪古跡靄靄林烟昏青上海上來勢若游龍奔  
星臨牛斗域氣與東南吞九折排怒濤吐吸天  
地根落日見海色長風捲浮雲山椒戴遺祠興  
廢今猶存殘香吊木客倒樹哀清猿我來久沉  
抱重此英烈魂吁嗟屬鏤鋒置爾國士冤峨峨  
姑蘇臺榛棘曉露繁深居麋鹿游此事誰能論  
因之毛髮豎落葉秋紛紛○高季迪詩地老天

荒伯業空曾于青史見遺功屍鞭楚墓生前孝  
抉目吳門死後忠魂歷怒濤翻白浪劍埋冤血  
起腥風我來無限傷心事盡在越山烟雨中萬  
曆二年督撫萬安蕭公按浙重修前殿刑部員  
外沈友儒爲記

東嶽中興觀宋大觀中建理宗書東嶽之殿以賜  
道一陳壽文謝表云琳館肇新位定東方之震  
宸生寵錫光昭南面之離道日晉明宗風益振  
窳以泰山之主實爲方嶽之宗眷此神臯首從  
祀典當奎婁之躔次控青代之要衝鬱然膚寸

之雲徧作崇朝之雨權歸尊于管攝向當取于  
發生臣壽文浪跡江湖潏司香火甫鳩工之有  
日忽渙號之自天書燦龍章增重湖山之勝墨  
香鳳翥於昭雲漢之光聳三極之具瞻翕萬靈  
之拱護齊休宗社永鎮乾坤茲蓋恭遇陛下既  
聖多能清心寡慾仁恩溥博撫先王必世之時  
厚德施生致大道無爲之化兵鋒偃息民俗阜  
安瑞露凝甘景風吹暖際此清閒之宴游茲翰  
墨之林遂致微臣亦從所禱臣應對灑掃仰瞻  
御畫之星垂曉夕焚修願祝皇圖之嶽固兀李

燬 皇明景泰間重建成化十年大火忠清海  
會諸廟宇悉燬觀亦延燼嘉靖十一年道士徐  
志源重建侍郎江曉爲之記觀側有聖母池圍  
以石欄今廢

玉樞道院俗稱神霄雷院天順六年道士吳志中  
建

至德觀在宋渾儀臺側十一曜太歲堂也紹興間  
建端平三年坤宗書額曰至德之觀元至正燬  
渾儀無存行有丞相達識帖木兒重建構星宿  
閣塑三天帝直五星九曜周天星宿后土神殺

之像今俗第稱旱宿閣而諸像泯矣元末燬天  
順六年道士吳志中重建成化甲午大火諸廟  
皆焚而茲觀無恙每歲迎春奉勾芒之神于此  
觀側宋有太史局置神御殿以奉昊天上帝皇地  
祇太祖太宗高宗寧宗理宗之神測驗渾儀所  
臺上有渾儀下有土圭

惠應廟俗呼皮場廟相傳有神張森相州湯陰人  
縣故有皮場鎮萃河北皮鞞蒸潰產蝎螫人輒  
死神時爲場庫吏素謹事神農氏禱神殺蝎鎮  
民德之遂立祠凡疹疾瘡瘍有禱輒應漢建武

間守臣以聞遂崇奉之傍邑皆立廟宋時建廟  
于汴京顯仁坊建炎南渡有商立者携神像至  
杭州舍于吳山看江亭因以爲廟額曰惠應咸  
淳德佑累封王爵兩廡繪二十四僊醫相傳佐  
神農氏採藥者也當宋時頗著靈異有處州葉  
生奉神甚虔下第不能歸謂同舍曰明當禱皮  
場乞錢三萬衆皆哂之及還曰神許我矣明日  
薄暮有近郡太守以三萬招館客衆以失意不  
欲往葉亟往自獻得錢符昨數願行須一力荷  
擔又往禱之喜曰神許我矣旣束杳然無人



乃今齋僕齋行同舍以此僅可抵江下柰渡江  
何葉生曰吾所恃惟神他非所慮也長揖徑出  
至午齋僕回舍云葉上舍登舟時一鄉夫自江  
西來云與隣居欣然隨去矣衆皆異之數日同  
舍生自越州回乃與葉生同舟者云是日中流  
風作檣什舟中人驚怖欲死而葉生熟睡鼾鼾  
也俄而風正檣起舟人言危時見金甲巨人仗  
劍坐篷上葉生竦然曰此吾所奉皮場大王也  
啓筭出繪圖舟人驚服

承天靈應廟舊為天地水府三官堂故俗稱三官

廟宋龍德三年建名玉虛觀紹興四年改冲天  
觀尋燬端平三年重建改賜今額有天開圖盡  
閣清暉亭元末燬洪武二十三年道士嚴一清  
重建弘治七年道士沈玄理章德芳相繼修之  
元吳訥登吳山留題承天觀詩滿目盡樓臺路  
從山頂來潮生沙岬沒雲破海門開官舍籠鵝  
去道人騎鶴回題詩向何處石壁掃蒼苔○東  
軒詩孤客憑危正惘然江南春盡落花天海門  
黑送千艘雨城郭青炊萬竈煙燒藥金爐猶伏  
火射潮鐵箭久離絃伍員白馬今何在幾處荒

臺野鹿眠○宿承天觀用楊廉夫韻詩承天觀  
裏開圖畫吳越山河一覽中半夜月明湖水白  
五更日出海門紅綵船春曉笙歌歇粉堞風高  
鼓角雄十二闌干都倚遍歸心飛過大江東○  
劉伯溫承天觀詩吳山頂上承天觀玉牒金符  
鎮地靈百尺樓臺依斗極九霄風露出窻櫺江  
聲洶湧蛟龍闕雲氣虛無翡翠巒見說蓬萊恰  
相對僊凡只在隔滄溟○張伯雨清暉亭詩萬  
瓦連雲人世罕一鷄啼日海波紅欲窺倒影青  
冥外故着危亭紫翠中

石佛山海會寺

石佛西聯寶山南面瑞石舊有大乘石佛寺宋嘉  
熙間僧鑿石為三佛元至正間河西僧朶羅只  
募緣莊嚴建寺居之改名智果院

海會寺吳越王建舊名石佛智果院宋大中祥符  
間改名積善海會寺嘉泰間燬至正間重建平  
章巖巖子山書大海會寺額御史大夫慶童書  
觀音寶殿額成化十年火踰年僧浩中重建其  
下有康張廟以奉威濟善利孚應昭烈康元帥  
東平忠靖洪濟景祐張元帥

寶山百法寺報功祠寶奎寺玄妙觀施公祠忠節祠  
真聖觀普光庵

寶山東接石佛山蘇子瞻同秦仲二子遊寶山詩  
平明已報百吏散半日來陪二子閒立鶴低昂  
烟雨裏行人出沒樹林間○寶山新徑詩藤稍  
橘刺元無路竹杖棕鞋不用扶風自遠來聞咲  
語水分流處見江湖回觀佛國青螺髻遍踏僊  
人碧玉壺野客歸時山月上棠梨葉戰暝禽呼  
百法寺在石龜巷宋建炎初僧寶寧建有大佛半  
身依山鑿石為之淳熙十四年賜額廣潤元時

改額百法趙子昂書元末燬 皇明天順元年  
僧道冲重建

寶奎寺在寶山頂宋丞相喬行簡故第奇石峭拔  
東望海門如在咫尺紹定間理宗幸其第書見  
滄二字賜之勒之崖石遂舍宅為寺以寶奎請  
額詔從之元季燬 皇明弘治間重建尚書洪  
鐘為之記郡人茅墳讀書寺中嘉靖十七年狀  
元及第因號見滄而作亭覆石上

玄妙觀在石龜巷唐末為紫極宮梁開平二年改  
真聖觀宋天禧中郡守王欽若奏徙天慶觀額

于此理宗書天慶之觀以賜內有真宗賜王欽  
若詩高宗書道德經石刻元時改玄妙觀尋燬  
洪武間有陳四者佃其西之半陳無子捨道士  
俞復中重拓之觀始復舊後有石洞幽雅陰寒  
夏遊最快先是觀中有蕉花一株以盛衰卜休  
咎方玄妙改額時蕉花盛開有趙道士居之一  
日羽客來訪趙遣他出客題詩蕉葉云午夜君  
山玩月回西隣小圃碧蓮開天風香霧蒼華冷  
名籍因由問汝來又曰白雪紅鉛立聖胎美金  
花要十分開好同子往瀛洲看雲在青霄鶴未

來識者以爲呂洞賓也自是士夫恐謫甚多今  
摘其著張翥詩遠別仙人黃石翁一龕烟火領  
祠宮青衣洞僻荒苔雨白馬山寒古木風金鼎  
空歌聲渺渺蒲團宴坐自濛濛不知巖客重來  
否零落蕉花石沼中○吳全節詩榴皮書壁走  
龍蛇池上芭蕉又見花北闕恩承新雨露西湖  
光動舊烟霞春風日長玄都樹秋水星回碧溪  
槎脩月功成三萬戶藥珠宮裏誦南華○吳伯  
尚詩吳山宮闕碧龍窠歸去還樓第幾峰身上  
衣如華表鶴壬中節是葛陂龍題詩寄見仙人

過採藥惟應海客逢聞有善書藏石室何年爲  
啓白雲封○歐陽玄詩羽衣榮捧紫芝泥除道  
松關驛馬嘶水國葦符臨海鯨雲房解榻聽天  
鷄月中桂子吹香送池上雉花與屋齊珍重穀  
城黃石老輕身許我躡梯○葉明誠詩黃石  
山人白玉冠手持千歲杖琅玕吐吞日月脩內  
景呼吸風雨來雲增蕉油春漲煙霧濕松几仙  
筆蛟龍盤天香滿神騎鶴去鷄犬夜夜聞雲端  
○揭傒斯詩誰道錢唐非昔日神宮仙館參差  
出天慶已開玄妙門桃花猶結千年實仙人巖

客題詩處道士著經曾姓褚舊人雖有馬  
年幾一百猶童孺永昌門外浙江潮趁潮  
復朝朝仙人一去不可招蓬萊願往那能橋鍊  
師歸領祠官事淨洗塵心養真氣滿城煨燼猶  
哭聲空有吳山千丈翠

施公廟在石龜巷口其神曰施全宋殿司小校也  
紹興二十年一月全憤秦檜奸邪誤國俟其入  
朝懷刃刺之不克被執檜罵曰汝病心耶全曰  
丞相病心耳通虜欺君戕剝忠義非病心何以  
有此檜大怒命磔于市郡人且哀且憤詬曰此

不了事漢也相與立祠祀之歷元季燬 國朝

天順間重建

忠節祠 皇明嘉靖十六年御史周汝員等建以

祀吳行人伍公員唐僕射褚公遂良宋少保岳

公飛明太傅于公謙者事見各祠墓紀中先是

弘治十年御史姚壽建忠節坊為亭貯碑以記

其事歲久亭圯至是建祠而御史傅鳳翔定以

每歲八月十五日致祭

青邱觀後唐乾符間建吳越王改兩浙老君廟元

季燬 皇明正統九年重建

晉光庵在忠節祠北元元統間丞相莫華捨地僧

法藏建有玉壺池吳波泉

七寶山通玄觀七寶庵定水寺開寶仁王寺

七寶山在宋天慶觀後今白馬廟巷之西舊有寶

嚴院廣嚴院櫻桃園並廢○寶嚴院唐清泰二

年錢氏建名瑞隆宋治平二年改今額有垂雲

亭借竹軒秦少游曾宿軒中夢天女以維摩像

求替淳祐間建佛閣理宗書無量福海四字扁

之蘇子瞻佐郡時有雲閣黎者寓院中閉戶十

五年謝絕人事日禮觀音經忽一日留偈端逝

偈云誦經一字禮一拜頭白時將坐塵界天鷄  
 臨夢啼一聲明月一輪觀自在子瞻吊之詩云  
 雲師來寶山一住十五秋讀書常閉戶客至不  
 舉頭去年造其室清坐忘百憂我初無言說師  
 亦無對酬今來復扣戶空房但颺颺云已滅無  
 餘薪盡火不畱却疑此室中常有斯人否所遇  
 孰非夢事過吾何求○廣嚴院吳越王清泰元  
 年建本名瑞慶宋治平二年改額其時有雙竹  
 甚奇透枯樹腹中自其頂出森然並竦司馬文  
 正公賦詩云雙幹格枯腹青青几幾霜龍騰雙

角直鯨噴兩鬚長既欲尋支遁安能問辟疆屢  
 來非別意未與此君忘南渡後分院基之半為  
 御厨營景定初重建○櫻槐園宋時採含槐以  
 薦太廟者

通玄觀紹興二十九年内侍劉敷入道修真結庵  
 于此高宗御書通玄二字榜之賜名能真內有  
 壽域樓萬玉軒望鶴亭謁斗壇白鶴泉鹿泉  
 皇明嘉靖間法師徐道彰重修其徒郁存方修  
 志存方禱雨祈晴往往靈驗觀中修竹蔭庭赤  
 日無暑虞伯生詩仙壇逆接上真宮楚越閩洋

一望中南北高峰雲香靄東西天目南溟濛金  
輪旋動仙音作樓閣縈迴後道通雲鶴仙人無  
定跡颺輪時轉望三峰○張翥詩羽蓋翩翩下  
九重江鄉秋晚滯仙蹤信傳真府憑青鳥劍舞  
瑤臺走碧龍頃刻風雲興五嶽須臾雨澤慰三  
農慇懃欲問叅同契雙鳥遄飛未易從  
七寶庵元延祐間道士玄谷建至正間貝一默重  
修

定水寺宋乾道八年建于萬松嶺嘉定八年移清  
波門外元至元十三年築城徙七寶山

開寶仁王寺宋汴京開寶寺有仁王院高宗南渡  
僧慧照隨駕卓錫于此遂建寺如汴京紹熙二  
年賜額景定五年燬 皇明景泰間重建尚書  
孫原貞記薩天錫登橫山閣詩千尺青蓮座烟  
霞擁地靈山川幾兩屐日月兩浮萍鳥度天垂  
海龍歸水在瓶深室說法處應有石頭聽  
二茅寧壽觀雲居聖水寺

二茅寧壽觀在七寶山東北本三茅堂相傳三茅  
君長盈次固季衰秦初咸陽人得道成僊自漢  
以來崇祀之末紹興二十年因東京舊名賜額



曰寧壽觀并界古器其一漢鼎高尺有九寸廣尺兩耳旁出龍上一尺半首識云有漢建元三年八月作牛鼎祀太室銘曰惟甲午丙寅帝若稽古肇作宋器審砥桑作牛鼎格于位室從用饗億寧神休惟帝時保萬世其永賴其一唐鐘識云丙辰九月二十四日常州澄清觀女冠王王僊作河東薛泚為之銘曰上德願而鑄洪鐘僊聖依而人天從霜朝聞兮窈窕月夜聽而春容蓮花生而腰淨頂銜繞于盤龍響上徹于天外聲下徹于九重庶長空于鬼獄魔屏跡而潛

踪其後忽失所在紹興間有鐘長于太湖濱湖緇黃競舟迎之獨澄清觀舟至凌波而上一引出之視之乃本觀唐時物也守臣以獻賜之觀中聲徹雲表孝宗朝出金帛度牒易之置禁中洪武七年三月錢唐知縣朱復以廢銅鑄之其一褚遂良小楷陰符經景定庚申理宗以賈似道有江漢功賜金帛百鉅萬不受詔就觀取陰符經酬之觀燬于元至元辛巳洪武初重建成化十年建昊天寶閣棟宇聳飛金碧騰煥環盼江湖渺歸隄底王元章詩層巒朔逕隱空青勃

空槃跏眼力生蘿磴曉風留宿雨石林寒竹動  
秋聲城隍下瞰紅塵海樓閣高標白王京夜靜  
何人吹鳳管碧桃千樹月華明○陸天錫詩揚  
子江頭春水漲三茅觀裏碧桃開道人不問天  
南北夜半月高騎鶴來

雲居聖水本二寺也雲居庵者宋元祐間僧了元  
建聖水寺者元元貞間僧明本建明本立約其  
徒不置恒產惟貧化緣爲僧家風味至大間沙  
門指月拓基廣之掘地四尋得胥井甃甃堅好  
中有佛首三枚諸相具足遂涂金事之名曰三

佛泉巴西鄧文原爲之銘曰我觀大地積水所  
載孰孰鑿鑿是太虛無外掘地及泉視之縈帶如  
履冥塗破諸障礙其源淵谷其漚湍瀨不止不  
流以與井會瑞相見前示我三昧彼壞者石實  
相不壞是實相故過恒沙界以一勺甘除世渴  
愛是相是水無在不在我作銘詩以警盲聵洪  
武二十四年併聖水于雲居賜額曰雲居聖水  
禪寺內有聽松軒了元號佛印善談諧以禪爲  
戲明本號中峰又號幻住博涉經史洞徹法源  
爲文操筆立就祝髮時有故宋宮人楊妙錫者

以香盒貯髮舍利並生遂建塔寺中久廢成化  
間僧文紳修復有小像一幅神氣如生相傳爲  
中峰自寫上有贊云幻人無此相此相非幻人  
若喚作中峰鏡面添埃塵○張仲舉秋日遊聖  
水寺詩高處見滄溟西風吹酒醒潮來一片白  
山擁萬重青草木如浮動烟塵忽杳冥登臨不  
可極吟思滿秋汀○夏原吉詩誰闢雲居境峨  
峨睡古城西湖晴送碧上竺晚分青經鎖千函  
妙鐘鳴萬戶聲此中真可樂何必訪蓬瀛

金地山塔隍廟梓潼帝君廟火德星君廟

金地山舊有妙果尼寺今廢

城隍廟宋已前在 皇山舊名永固紹興九年徙

建於此宋初封其神爲保順通惠侯咸淳間加  
輔正康濟廣德顯聖王元時繪神之夫人子孫  
像于後寢洪武元年詔天下各府州縣城隍之  
神止稱本號前代封稱咸革并去其像茲廟正  
神已易木主寢殿繪像猶存宣德間御史吳訥  
奉詔毀之

梓潼帝君廟俗稱文昌祠神初祀于蜀唐玄宗幸  
蜀封神左丞相宋元祐二年加封輔元開化文

昌司祿帝君嘉熙間蜀破民多徙錢唐而蜀人  
牟子才等遂請立廟于吳山其傍立二童俗稱  
天龔地啞者是也方神在蜀時吳曦將叛前事  
之數月神思昏擾夜數躍起寢中叱咤四顧或  
終夕不得寢意頗悔欲但已其弟睨力慫恿之  
曰是謂騎虎顧可中道下耶曦家素事梓潼自  
璘瑜以來有禱輒驗乃齋而請是夕夢神坐堂  
上已被赭玉上謁焉因告以逆且祈卜年之修永  
神不答第曰蜀土已悉付安丙矣又曰安丙才  
足辦此既寤大喜蓋丙判隆慶府曦偽授丞相

長史託以腹心丙陽順而陰圖之結楊巨源李  
好義等勒兵誅曦其他靈驗不可縷數元末燬  
國初重建徐一夔作疏云文昌祠在蜀之潼  
川實司科舉之事宋南渡後有祠在吳山之巔  
蓋蜀士赴舉者所創也日經兵燹頽圮弗治聖  
朝更化首詔科舉取士者嶺興而浙司得人  
為盛此皆神明陰佑之效而拘虔安靈之  
地弗致崇嚴非斯之耻乎豈特短疏徧咨  
同志之士共一章之美靈之境肇迹遠在  
東川神氣流一降之及西之運方興之

日應國家急  
桂籍嵯峨遺  
穿而上漏既  
重修有干同志  
多賢共賀人材  
火德星君廟大  
後建廟于此以  
鈍永樂中叅政  
皆就廟中蓋遺俗也

瑞石山素駝峰雪風洞瑞石泉紫陽庵

瑞石山秀石玲瓏巖竇窳窳寒泉涓瀝匯為澄泓  
者徃徃而有清幽徹骨空翠撲肌湖山與區罕  
與倫比素駝峰峭削凌空雪風洞豁開幽徑屨  
鳥所涉栩栩然覺有僊風焉陸天錫詩云天風  
吹我登馳峰大山小山石玲瓏赤霞日射紫瑪  
瑙白露夜滴青芙蓉飄飄雲氣穿石屋石上涼  
風吹紫竹掛冠何日賦歸來煮石篝燈洞中宿  
紫陽庵宋嘉定間邑人胡傑居此建集慶堂元至  
元間道士徐洞陽得之改為紫陽庵其徒丁野  
鶴棄俗全真一日召其妻王守素入山付偈云

嬾散六十年妙用無人識順逆兩俱忘虛空鎮  
長寂抱膝而逝守素遂奉其屍而漆之端坐如  
生亦束髮為女冠不下山者二十年陸天錫贈  
之詩云不見遼東丁令威舊遊城郭昔人非鏡  
中人去青鸞老華表山空白鶴歸石竹淚乾斑  
雨在玉簫聲斷綵雲飛洞門花落無人到獨坐  
蒼苔補道衣其庵久廢 皇明正統甲子道士  
范應虛重建作王虛望江二樓聶大年為之記  
瑞石山之左宋有太廟紹興四年建正殿七楹為  
禘室十有四以奉太祖太宗真宗仁宗英宗神

宗哲宗徽宗其後益以高宗孝宗光宗寧宗理  
宗凡十二主欽宗則缺而不祀設七祀位于殿  
下橫街之北以祀司命戶竈中雷門厲行設配  
享功臣位于橫街之南太祖則趙普曹彬太宗  
則薛居正石熙載潘美真宗則李沆王旦李繼  
隆仁宗則王曾呂夷簡曹瑋英宗則韓琦曾公  
亮神宗則富弼哲宗則司馬光徽宗則韓忠彥  
高宗則呂頤浩趙鼎韓世忠張俊孝宗則陳康  
伯史浩光宗則葛邲寧宗則趙汝愚

寶蓮山青衣洞青衣泉重陽庵寶成寺

寶蓮山與七寶山相連舊有寶蓮寺宋嘉定間楊節使廢而為園徙寺于豐豫門外

青衣洞相傳昔有人至洞口見青衣童子姣好如王訊之不應遂之不見但聞洞中風雨之聲股弁而出遂名青衣洞洪武中常德丁啓東至杭州夢羽人携一童子詣啓東云以此子為君之子問所從來則云青衣洞翌旦往青衣洞訪之見有童子塑像儼然昨所夢也踰年生子曰潤山啓東為之建亭覆泉上宣德中潤山以賢良舉為閩縣主簿道杭州為之建殿宇

青衣泉浙浙出石罅清鑿毛髮崖壁鐫有唐開成五年南嶽道士邢令聞錢唐縣令錢華道士諸葛鑑八分書題名傍鐫佛像及大字心經山頂巨石墜下有石承之若餽釘然前有石門上橫石梁壁間皆細字水波文不知何年泝水至此宋慶元間韓侂胄賜第寶蓮山下建閱古堂砌瑪瑙石為池引泉注之名閱古泉陸務觀記云韓府之西繪山而上五步一磴十步一壑崖如伏龍徑如盤石如龍或如地踊以立或如空翔而下或如雲或森如欲搏名葩碩果

更出互見臺  
華敷夏而鑿  
然而江橫陳  
所能為者其  
之西繚以翠  
之日既望之  
幾也霖雨不  
泓止明清可  
呵護屏除者  
亭又中置瓢  
可飲可濯尤  
于烹茗釀酒  
為宜他

名泉皆莫逮公常與客徜徉泉上酌以飲客時  
游年最老獨盡一瓢公顧而喜曰君為我記此  
亭使後知吾輩之游亦一勝也游按泉之石壁  
有唐開元五年道士諸葛鑑八分書題名蓋此  
泉湮伏弗耀者幾四百年公乃復發之而閱古  
蓋先忠獻王以名堂者則泉可謂遇矣游于告  
老之後視道士為有愧其視泉尤有愧也幸旦  
暮得復歸山幅巾短褐從公一酌此泉而行尚  
能賦之

寶成寺晉天福中建名釋迦院宋大中祥符間改



額寶成寺有石觀音羅漢像壁間有蘇子瞻寶  
成院賞牡丹詩春風小院却來時壁間惟見使  
君詩應問使君何處去憑君說與春風知年年  
歲歲何窮已花似去年人老矣去年崔護若重  
來前度劉郎在千里詩鐫石壁筆法甚適其旁  
有歲寒松竹四字乃成化間吳東升題者

清平山開元寺

清平山在仁孝坊舊有烟霞閣四壁畫古賢像多  
名人題詠今廢巷內有郭兒井

開元寺唐玄宗時建宋建炎間徙建于西湖元季

兵燹復徙故址

皇明正統五年禮部尚書胡

濙記劉士亨贈寧和尚詩清平山下古叢林主  
席知師道行深菩薩每分香積飯伽藍常護給  
孤金誦餘千偈燈生暈坐斷諸緣樹轉陰愧我  
未能修淨業塵勞空役利名心

寶月山蛾眉山淺山竹園山

寶月山在布政司對舊有寶月寺上有黑龍潭深  
窈如井

蛾眉山在寶月山西有八眼井

淺山有漾沙坑紫坊嶺宋有七官宅楊后宅大佛

寺後改爲糧料院

竹園山在今府治之西南吳山一脈獨趨而北隱  
隱隆起宋安撫趙與箴建閣其上平鑑西湖扁  
曰竹山閣

西湖遊覽志第十三卷

錢唐田 汝成 輯撰

南山分脉城内勝蹟

城闌

鳳山門候潮門永昌門清泰門慶春門艮山門湧金  
門

鳳山門在城南與北關門對俗稱正陽門又東南  
二里許宋有嘉祥門南近鳳皇山爲禁垣北關  
有和寧門入和寧門透大內直南有麗正門杭  
州城垣創于隋嘉祥者周廣三十六里有奇廣

于錢鏐者七十一時禁天下修城以示一統而內外城隍日一民所平至正十六年張士誠陷姑蘇據浙西都十九年發松江嘉興湖州杭州民夫復三晝夜併工三月而完城周六千四百丈有奇高三丈厚視高加一丈而殺其上得厚四之三焉舊城包山距河故南北長時則自艮山門至清泰門以東視舊則拓開三里而絡市河于內自候潮門以西則縮入二里而截鳳山于外禮部尚書貢師泰為之記明興遣曹國公李文忠將兵取杭州守將潘元明

納款城隍皆如元舊○宋時和寧門內有學士院院內有王堂摛文堂王仲衡詩云王堂晝永暑風微簌簌飛花落小池徙倚幽欄憑問訊夏鷺飛出萬年枝

候潮門在城東而近南宋時有便門保安門今廢永昌門在城東宋名新門俗稱草橋門

清泰門在城東宋名宗新門俗稱薦橋門又稱螺螭門

慶春門在城東宋名東青門俗稱菜市門門之左宋有皇城司營武安泉水甚佳

艮山門在城東而近北俗稱壩子門艮山者南山之盡脉也高不踰尋丈今已陵夷莫可指索沿城五六里漫為平原土沃疇腴禾菽茂蓋餘氣之散衍耳

湧金門吳越王建門內有湧金池金華今曹杲所鑿也

### 衢巷河橋

入鳳山門而北至鎮海樓其街之東為雲錦橋義和坊義井巷集義巷通江橋懷信坊西為仁孝坊壽域坊天慶坊保民坊長慶坊

雲錦橋宋稱六部橋東通候潮門大河之水自龍山關入鳳山水門從南而北首過此橋次安和橋黑橋州橋通江橋會茹山河次聖仙橋新官橋會小河次三聖橋佑聖橋榮府橋柴埠橋積善橋清泰橋豐樂橋油局橋惠濟橋仙林橋登雲橋梅家橋折而西入通濟橋葛家橋天水院橋出武林水門流為橋樑勝壩官商馳騫舳舻相銜晝夜不絕○六部橋之對宋有六部部各有尚書侍郎中書侍郎二十四司吏部掌文武官吏選試擬差任選陰補考課之

政封爵策勳賞節  
右侍左侍  
戶土地錢穀  
曹右曹  
祀朝會宴饗學校  
祠部曰王客  
兵廂軍士軍蕃軍四夷官封承襲之政輿馬器械之數土地城隍堡寨烽燧之圖籍其屬四曰  
兵部曰職方曰駕部曰庫部刑部掌刑法獄訟  
奏讞赦宥叙復之政救律章程之式其屬四曰

刑部曰都官曰比部曰司門工部掌城郭宮室舟車器械符印錢幣山澤苑囿河渠之政營繕飭化之法其屬四曰工部曰屯田曰虞部曰水部其六部監門紀部官卯未之出入病疾之暫告與謁制之可否署在大門之內○又北爲尚書省中書省門下省樞密院宋初門下省設官十有一侍中侍郎左散騎常侍各一人給事中四人左諫議大夫起居郎左司諫左正言各一人中書省設官十有一中書令侍郎右散騎常侍各一人舍人四人右諫議大夫起居四人右

司諫右正言各一人尚書省設官九尚書令左  
右僕射左右丞左右司郎中員外郎各一人其  
屬六部蓋三省長官加平章政事者皆宰相職  
也初特別置中書于禁中與樞密使對政謂之  
兩府事關中書者中書宣奉門下省審覆付尚  
書省施行事關樞密者樞密宣奉門下省審覆  
付兩府施行尚書門下雖尊官不得參襄密勿  
故中書之權特重熙寧改制以待中中書令尚  
書令官高不除而以左僕射兼門下侍郎行侍  
中之職右僕射兼中書侍郎行中書令之職建

炎初以左右僕射並加同中書門下平章事侍  
郎改參知政事而三省合為一體乾道間改左  
右僕射為左右丞相至是三省之名雖存而官  
非初制矣樞密院掌軍國機務兵防邊備戎馬  
之政招募閱試遷補屯戍賞罰之事設官十樞  
密使知院事同知院事樞密副使僉書院事同  
僉書院事都承旨副都承旨檢詳編修而樞密  
使類以宰相兼之自僉書以上皆謂執政中為  
都堂為兩府會議之所刻周官一篇於正坐之  
屏堂中刻累朝詔勅文劄各有跋語自諫議大

夫而下別爲諫院省院監門封樁安邊所俱在大門之內

義和坊東通安和橋東有勝安倉卽聖安寺故址寺元貞二年建至正間毀爲軍器庫今爲倉基義井巷東通黑橋

集義巷東通州橋宋時與王牒所貴恕坊對東有預備倉

通江橋本名慶元橋其東宋有都茶場雜買務權貨務雄武營北爲太醫局又東爲保安門今塞橋之南爲過軍橋北爲鄉義巷東爲三皇倉

爲三皇廟

懷信坊俗稱糍糲巷與長慶坊對近朝天門而東至望僊橋者其北宋有裕民坊

仁孝坊俗稱清平巷西通清平山開元寺者其對宋有登平坊

壽域坊在白馬廟南西通七寶山山側宋韓侂胄第第近太廟鑿山爲園僭擬宮禁引青衣泉注于閣古堂秀石環繞絕類香林冷泉之景有槐坡十二級夜宴則殿巖用紅燈數百出于槐坡之後以燭之其巖洞最勝者曰雲岫危峰隱石

淺灣深沼窈窕泓泓自比于洞天福地云

天慶坊宋稱太廟巷俗稱蘭子坊巷宋有太宗正  
司以叙族姓昭穆治其家政其南有玉牒所宗  
正寺元時有權茶提舉司

保民坊即城隍廟街西通金地山宋有司農寺太  
府寺將作監軍器監諸司諸軍審計司○司農  
寺隸戶部以幾察廩庾之出納少卿張維記云  
漢置九卿大司農其一也今倣周制爲六部以  
戶部掌國計而司農猶爲列卿贅矣況倉儲出  
納自昔太倉令主之蓋大司農之屬猶今之倉

部也以列卿而行太倉令曰惟倉部要束是聽  
位雖尊勢出倉部下至于軍餉蕭給罷于奔命  
世謂走卿辱矣○太府寺掌軍國之經費與縣  
官之私養奉帙幣定權量治鹽茗之劑劑班內  
外之廩稍覆其名數而鈎磨之頒財用于受藏  
之府周知入出斤幣餘互市之積以便貿易比  
物奠價俾從其抵儲藥物以除札瘥叙財幣以  
待上之賜好制券以通商賈○將作監掌營繕  
之事行都工作多以京尹畿漕分任之故監官  
多闕員凡臺省之久次與郡邑之有聲者寄徑



於此號儲才之地○軍器監掌繕諸軍器械其御前所用者亦有提轄歸之殿司○諸司諸軍審計司分爲二局各乘財用稍食之數而會稽之屬太府寺

長慶坊俗稱石龜巷西通石佛山宋有都奏進院卽智果院舊址也掌王言出納與四方章疏其南爲三執政府乃宰相私第也內有四眼井鎮海樓舊名朝天門吳越王錢氏建規石爲門上架危樓樓基疊石高四仞有四尺東西五十六步南北半之中爲通道橫架交梁承以藻井牙

柱壁立三十有四東西閱門對闕名曰武臺夷敞可容兵士百許臺左右北轉登石級兩曲達于樓上樓之高六仞有四尺連基而會十有一仞貯鼓鐘以司漏刻元至正間平章康里慶童改爲拱北樓 皇明洪武八年行省劉王兩叅政者失其名改爲來遠樓旣榜揭遣折字人張乘槎者往視之槎曰三日內主哀喪之事如期王母死劉以曆日紙坐法王延乘槎問故對曰來帶喪形遠從衣帶哀形旁之兩點相續者淚形也頃之參政徐本改爲鎮海樓詹孟舉署

扁其陰篆書吳山偉觀四字成化十年燬明年  
重建壘構三層巖館周繞巨鐘鼓鼓左右懸架  
更嚴之夕鼓鑿魚咽按箭行籌似落霄漢間規  
制弘遠矣○趙子昂同慶童丞相上拱北樓詩  
云城上高樓接太霞令嚴鐘鼓寂無嘩提疆內  
向三千里比屋同封百萬家心在江湖存魏闕  
身隨牛斗泛僊槎舉頭便覺長安近時倚闌干  
望日華○楊仲弘詩云殿地鼓鑿迎日出倚天  
梁棟傍雲浮北瞻帝闕三千里南控臣藩二百  
州江海無波沉罔象旌旗垂野駐貔貅鸞迴麗

榜多深意繡衮于今有魏牟○高得暘詩天  
南來第一州胥丘東起最高樓水分兩瀨趨都  
會地接三吳控上游雲外鼓鑿嚴夜禁城中車  
蓋樂春遊玉堂政暇新題扁彩筆飛光射斗牛  
自鎮海樓而北至清河坊其街之東折而北爲布市  
巷沙皮巷正東爲興禮坊西爲吳山坊融和坊清河  
坊

布市巷宋時爲貿布之所東通望僊橋  
沙皮巷舊名清平坊宋時酒館也至今沽肆不徹  
興禮坊西與清河坊對東通新宮橋

吳山坊內有大井周四丈吳越時韶國師所鑿品  
其水爲錢唐第一蓋山脈融液獨源所鍾不雜  
江湖之水泓深瑩潔異于衆泉宋淳祐丁未大  
旱城井皆涸獨此井日下萬縷不減不盈都人  
神之安撫趙與篋立祠其畔洪丞初叅政徐本  
立石刻吳山第一泉五字紀宋事于碑陰內有  
金銀雜色奩長數尺者或隱或顯相傳來自井  
底泉眼中者

融和坊宋稱灌肺新街內有灌肺嶺

清河坊與興禮坊對宋有張循王後賜第在焉俊

封清河郡王故稱清河坊今改旬宣街

自興禮坊而北至賢福坊爲灌肺巷通和坊晉濟巷  
寶佑坊五間樓自清河坊而北至文錦坊爲太平坊  
惠民坊巾子巷中瓦巷甘澤坊

灌肺巷西與融和坊對內有灌肺橋宋爲珠子市  
通和坊東通金波橋宋有花月樓又東爲熙春樓  
南瓦子又南爲抱劍營漆器墻沙皮巷融和坊  
其西爲太平坊巾子巷獅子巷皆爲瓦市各有  
等差酒客登門則有提瓶獻茗者謂之點花茶  
登樓甫飲一杯則先與數貫謂之支酒然後呼

四清志卷之十一  
十  
新  
喚提賣趕趁祇應者亦皆紛至浮費頗多妓家  
富者酒器沙羅冰盆火箱粧盒之類悉以金銀  
爲之帳幔裊褥多用錦綺器玩珍奇他物稱是  
下此者亦競尚鮮華自酒器首飾被卧衣服之  
屬各有貨者

普濟巷東通普濟橋又東爲柳翠井在宋爲抱劍  
營地相傳紹興間柳宣教者尹臨安履任之日  
水月寺僧玉通不赴庭參宣教憾之計遣妓女  
吳紅蓮詭以迷道詣寺投宿誘之淫媾玉通修  
行五十二年矣戒律凝重初甚拒之至夜分不

勝駘蕩遂與通焉已而詢知京尹所賺也慚恹  
而死恚曰吾必敗汝門風宣教尋亡而遺腹產  
柳翠坐蓍之夕母夢一僧入戶曰我玉通也旣  
而家事零落流寓臨安居抱劍營柳翠色絕藝  
倫遂隸樂籍然好佛汰喜施與造橋萬松嶺下  
名柳翠橋鑿井營中名柳翠井父之臯亭山顯  
孝寺僧清了謂淨慈寺僧如晦曰老通墮落風  
塵久矣盍往度之如晦乃以化緣詣柳翠爲陳  
因果事柳翠憐然萌出家之想如晦乃引見清  
了清了爲說佛法奧旨及本來面目末且厲聲

日二十八年烟花業障尚爾耽迷耶柳翠言下  
大悟歸卽謝鉛華絕賓客沐浴而端化歸骨臯  
亭山從所度也

寶祐坊東通寶祐橋其南宋時有榮王府看街樓  
五間樓在亭橋東與三元樓對宋時民間市樓之  
有名者曰三元曰五間曰熙春曰賞心曰花月  
日日新其厨店分沽則有嚴厨翁厨任厨陳厨  
周厨沈厨鄭厨康沈銀杓等店每樓各分小閣  
十餘器皆銀飾各有私名妓數十輩凭檻招邀  
謂之賣客又有小鬟不呼自至歌吟強聒以求

支分謂之擦坐有吹簫彈阮息氣鑼板歌唱散  
耍等人謂之趕趁有老嫗以小爐炷香爲供者  
謂之香婆有以法製青皮杏仁半夏確砂荳蔻  
小蠟茶香藥韻薑砌香檳欖薄苛至酒閣分俵  
得錢謂之撒嚙有賣玉面狸麋肉糟決明糟蟹  
糟羊蹄酒蛤蜊柔魚鰕茸鱗乾者謂之家風有  
賣酒浸江蛭章舉礪肉龜脚鎖管密丁脆螺蟹  
醬法鰕子魚蟹魚諸海味者謂之醒酒口味凡  
下酒羹湯任意索喚雖十客各欲一味亦自不  
妨過賣鑑頭記憶數十百品傳唱如流卽時供

西沽志卷之三  
十一  
新刊  
應酒未至則先設肴菜數罇及舉杯則又喚細菜如此屢易愈出愈奇歌管歡笑之聲每夕達旦往往與朝天車馬相接雖暑雨風雪不少減也

賢福坊一名東文錦坊俗稱壩東巷舊傳江湖至此有壩限之東通平津橋俗稱貓兒橋

太平坊東與通和坊對

惠民坊洪武十七年興慶醫學于此

中子巷舊名市南坊

中尾巷之南宋時有武林園通後市街址為龍

### 翔宮

甘澤坊與寶祐坊對

文錦坊西通三橋街者俗稱洋壩頭

自賢福坊而北至義和坊為安平巷永清巷日新巷

自文錦坊而北至壽安坊為連二巷修義坊富樂坊

鼠樂坊教睦坊泰和樓積善坊秀義坊

安平坊東通方便橋

永清巷舊名蘭陵坊俗稱水巷東通永清橋

日新巷宋有日新樓東通日新橋

義和坊西與壽安坊對東通芳潤橋

連二巷宋有連二茶坊

脩義坊俗稱肉市巷又稱姜椒巷西通軍將橋  
富樂坊俗稱賣馬巷內有狗兒嶺今夷爲平路  
最樂坊舊名衆樂坊俗稱虎跑巷後通大瓦子亦  
曰上瓦宋時瓦子有名者十有三在城則南瓦  
中瓦上瓦下瓦蒲橋瓦城外則便門瓦候潮門  
瓦小偃瓦新門瓦薦橋瓦菜市瓦錢湖瓦赤山  
瓦舊瓦嘉惠瓦新瓦艮山瓦羊坊橋瓦王家橋  
瓦龍山瓦皆群花所聚蓋取衆則瓦合散則瓦  
解之義也

教睦坊一名敦睦巷其南宋有銀甕酒庫

泰和樓宋時城中官沽有八樓曰和樂曰和豐曰  
中和曰春風曰泰和曰西樓曰太平曰豐樂皆  
屬戶部點檢所樓各有庫每庫祇直數人官妓  
數十人飲客登樓則以名牌點喚侑觴謂之點  
花牌金銀器皿取自庫中徃徃學舍士夫所據  
外人未易登也

積善坊俗稱上百戲巷西通施水坊橋內有幢子  
巷

秀義坊俗稱下百戲巷內有東平王廟

壽安坊俗稱官巷又稱冠巷宋時謂之花市亦曰  
花團蓋汴京有壽安山山下多花園春時賞燕  
爭華競靡錦簇繡圍移都後以花市比之故稱  
壽安坊

自壽安坊而北至衆安橋其街之東爲武志坊戒民  
坊新安坊西爲忠孝坊修文坊里仁坊保信坊定民  
坊百福巷弼教坊十官宅巷棗木巷資福巷下瓦巷  
武志坊東通李博士橋

戒民坊東通棚橋宋爲行刑地故號鬼門關又曰  
陰山道入巷過棚橋宋時謂之棚樓粧點勾欄

之所其對爲中和樓乃銀甕中庫元時平準庫  
在焉

新安坊俗稱新安橋巷有千勝將軍廟  
忠孝巷俗稱崔家巷

修文坊西通洪福橋宋有將作監

里仁坊西通鞞鼓橋宋稱陶家巷

保信坊俗稱剪刀股巷

定民坊與戒民坊對俗稱中棚巷舊有棚心寺佛  
牙塔雙井

百福巷舊有百福院唐天福中錢氏建于城外乾



道五年徙棚橋至正間燬

弼教坊俗稱狗兒山巷宋名睦親坊今有睦親井  
尚存有宗學在焉先是宋分宗子爲六宅宅各  
有學南渡後惟置睦親一宅紹興四年始置諸  
王宮大小學嘉定九年改宮學爲宗學凡曳籍  
王牒者無間親跡皆肄業焉三年一試如太學  
法有明倫立教汲古等堂貴仁立愛大雅明賢  
懷德升俊等齋自此而西街之南爲蕭相國祠  
又西爲金鈎巷街之北爲新慶巷北通匾擔嶺  
隱隱起伏蓋南山之盡脉也又西爲花園巷又

西爲洗麩橋

十官巷宋時有宗室之子十人居此故名

棗木巷西通石湖橋宋時范成大所居號石湖故  
名其北爲結縛橋相傳宋時下瓦勾欄觀者雲  
集時馬光祖尹京令行禁止得遺物者結縛于  
此以待失者故名其東爲匾擔嶺宋爲沂王府  
下瓦巷亦曰北瓦內有勾欄十三座北有瓦子橋  
舊名衆樂橋

自興禮坊而東至舊達達城其街之南爲沙皮巷布  
市巷過新宮橋爲夾牆巷北爲熙春橋街清冷橋街

鍾公橋街佑聖觀街

新宮橋俗稱宗陽宮橋小河之水自新宮橋分派  
從東而西過鍾公橋清冷橋折而北過熙春橋  
灌肺橋金波橋普濟橋保祐橋巧兒橋亨橋舍  
人橋方便橋永清橋日新橋芳潤橋李博士橋  
棚橋新安橋度生橋北橋軍頭司橋清遠橋百  
萬倉橋折而東與大河合流出武林水門俗稱  
市河是也其支派自觀橋而西合清湖河以北  
亦曰市河  
夾墻巷宋時德壽宮墻外委巷也

熙春橋宋有熙春樓南瓦子

清冷橋南通沙皮巷北通漆器墻

鍾公橋通上下抱劍營本名寶劍營錢土屯軍之  
所又北通集慶巷

佑聖觀街自宗陽宮折而北東為巡鹽察院北為  
市舶司佑聖觀之東為武林驛西為錢唐學水  
亭子

自清河坊而西至杭州府治其街之南為康裕坊吳  
山坊大隱坊安榮坊懷慶坊豐和坊龍舌頭北為南  
新街清望街德化街十三灣巷泰和坊天井坊文明

坊

康裕坊俗呼八作司巷宋有御史臺中爲臺廳謂之朝堂有御史閣位廳以內爲西監察位又內爲殿中位又內爲中丞侍御史位臺獄之門扁曰四推南渡鮮寶對有屬臺官讞問者則刑察就聽於大理之獄

吳山坊直北與後市街對內有報恩寺

大隱坊一名小僊巷宋徽宗時有處士徐顛居此徵辟不起賜號冲晦先生

安榮坊上通金地山直北與華光巷對

懷慶坊由此以登寶月山者

豐和坊近龍舌頭可通清波門者在天井坊對

龍舌頭蓋當寶月蛾眉兩山之際蜿蜒而來若龍舌之吐者

南新街內有憐忠祠

清聖街舊名新街即後市街

德化坊舊有仁和街

十三灣巷分東中西三道內有惠安寺

泰和坊俗稱華光巷亦稱糯米倉巷

天井坊在布政司右舊名通澗坊今廢其對山有

天井按臨安舊志所載城中之井自相國而下有名者六十自吳山而下有名者三十有一初無天井之名獨於黑龍潭云在寶月山一名天井山天晴則潭水碧色有雨則先期變黑蓋指黑龍潭為天井也嘉泰二年清河坊大火郡守丁常任行視火場得潭井于御史臺西小巷中深五十餘尺廣十餘尺洵甃清潔甘泉遊盈得建炎錢數十枚其煙寒必在建炎後也

文廟坊即中和坊亦名淨因坊闢兒頭從此而北宋為樓店務又北為戒子橋元為燒鈔庫今為

黃冊庫又北為定安橋宋有慈幼局施藥局○慈幼局淳祐七年建凡民間遺棄小兒有願收養者月支錢一貫米三斗二歲乃止無人收養者官為顧乳有願子者從官請之○施藥局淳祐八年建元時改為醫學提舉司今併入都指揮使司

杭州府前為宣化橋其對為仁美坊安阜坊其西為流福坊

宣化橋宋時俗稱楔來橋至今仍之謂好訟者與作惡而被刑者至此實有悔心也

仁美坊俗稱若板巷宋時有三通判衙又東爲水溝巷

安阜坊舊名近民坊從比而南有淨因塔俗稱塔兒頭

流福坊在府西水口透城外引湖水從西而東經府前至文明坊折而北過戒子橋定安橋凌雲橋福寧橋轉運橋合湧金池之水今水口雖淤而餘脉猶可考也蓋宋已前自錢湖門至錢唐門引湖水入城者爲明溝五道暗溝十五道明溝者一爲清波閘卽流福水是也二爲湧金閘

卽湧金池是也三爲集賢亭水菟四爲集賢亭後閘今成化間所導經蓮花橋出曲阜橋者是也五爲菩提寺閘暗溝者李泌所開六井沈文通所開南井蘇軾所開新溝通貓兒橋及雄武營者而布政司前百獅池西通西湖東出水於會濟橋又仁和學府前亦有暗溝繞櫺星門出於凌雲橋者是也餘不可考夫久廢者固不可復矣有踪跡可尋而坐視堙梗非郡城之利也

後市街宋時爲柑子園有龍翔宮孟太后宅李皇

西滄心譜卷之十一  
后宅全皇后宅一眼井直南與吳山坊對先是  
宋時車駕朝饗景靈宮由御街過朝天門經中  
瓦前直下回則自冷蠟頭橫入龍翔宮自太平  
坊出御街實祐癸五十二月大火遂從御街當  
中取大路直入右瓦之右以為武林園其左以  
為皇子忠王望湖樓其時旅邸有題壁云龍翔  
宮闕壯皇都變路繁廻枉德車天意也知明主  
意故教劫火闢通衢

沈公井巷可通修義坊者宋嘉祐中郡守沈文通  
于六井之南引湖水絕河東至美俗坊為大井  
名曰南井宋熙寧間井廢郡首陳述古疏湧金  
池為上中下澣衣洗馬者不得及上池列二牖  
于門外其一赴三池而決之河其一納之石檻  
比竹為五筒以引之並河而東絕三橋入于石  
溝注于南井元祐間復廢民率以七八錢買水  
一斛蘇子瞻復命僧子珪治之以瓦筒易盛以  
石槽疏請名惠遷從子珪之號也傍有奉慶院  
嘉泰元年僧智師建又有小悟空寺後俱廢近  
里人趙鳴鸞捐貲復其井併建奉慶院  
大瓦巷北通保康巷元時詩婦朱淑真居此

石樞園巷通張司馬巷

國初有鎮撫司

三橋街東通文錦坊西至湧金門北通剪刀街南

過惠遷橋

自羲和坊而東至蕭羲街過芳潤橋其街之南為鐵

線巷曾寧巷豐樂橋忠孝巷雙井巷安福巷北為固

寧巷興忠巷安平巷馬市巷昇平巷南班巷

芳潤橋俗呼炭橋宋時為藥市又北為書坊沿河

而南為善履坊

曾寧巷即柴木巷宋時有柴木場于此通薦橋

中沙巷

豐樂橋宋有豐樂樓酒肆其北有橋園亭宋時此

地多樹橋號橋園高宗幸建康于此登舟作亭

臨河故稱橋園亭也亭傍有夏皇后宅十少保

府其南為狗兒山隱隱地中無可登陟其東有

常惠井橋之上有華光廟其北有青字營

忠孝巷舊名中沙巷

固寧巷內小巷曰諸投巷相傳宋時行市各有分

地而此巷獨無禁厲其北為油局橋宋時為油

蠟局

馬市巷宋時為馬市于此東北通南班巷茅郎巷

昇平巷今為皮市內有上四眼井下四眼井王陽庵

南班巷宋時宗室子列南班奉朝請者居之

自壽安坊而西至井亭橋其街之南為二僊巷興德巷八僊巷鐵作巷成娘娘巷北為花市巷馬家營巷新房廊巷

二僊巷元時詩人張光弼居之胡虛白挽詩云二僊坊裏張員外頭白相逢只論詩今日過門人不見小樓春雨燕歸遲

興德巷南通神堂巷

八僊巷宋有八僊茶坊其時茶坊之有名者曰八僊曰清樂曰珠子曰潘家曰連二曰連三坊中插四時花卉名人圖畫粧點店面所賣有七寶擂茶餛子葱茶或賣鹽豉湯暑天則賣雪泡梅花酒或縮脾飲之屬孟杓蓋子皆以銀為之亦同酒肆論一角二角茶樓多富室子弟諸司下直人等會聚習學樂器上教曲賺之類謂之掛牌兒人情

鐵作巷西連百子圖巷

成娘娘巷宋時皇后無成姓亦無賜宅于花市者



俗云神娘娘巷豈訛而爲成歟

花市巷宋時作鬻花朵者居之今壽安坊兩岸多  
賣花之家亦其遺俗也

馬家營巷錢王屯軍之所北通修文坊

自井亭橋而西爲甘泉坊相國井

甘泉坊與井亭橋對相國井有二皆唐鄴侯李公  
泌所鑿也自江潮避錢唐而擊西陵沮洳鹵斥  
化爲平原今之城市聚落皆江流故地也其水  
苦惡惟負山鑿井乃得甘泉而所及不廣唐宰  
相李泌當德宗興元時守杭州始作六井引湖

水以濟民其最大者在古清河爲相國井其西  
爲西井又名化成井少西而北爲金牛池又北  
而西附城爲方井爲白龜池又北而東至錢唐  
縣舊治之南爲小方井金牛之廢久矣出湧金  
門並湖而北有水牐二注以石溝貫城而東者  
相國方井之所從出也若西井則相國之別派  
也而白龜池小方井皆爲匿溝湖底無所用牐  
此六井之大略也長慶間白居易績鄴侯之績  
而浚治之民以爲利宋熙寧間六井皆廢民苦  
遠汲郡守陳迹古命仲文子珪等董其事發

溝易墜補苴臨隙而相國之水清冽溢流千艘  
更載而留之元祐五年蘇軾復引六井餘波至  
威果雄武五帝之間創為二井乾道三年轉運  
周琮重加浚治淳祐七年安撫趙與箴自湧金  
門北至錢唐門水口所入咸作石櫺禁民不得  
植菱荷以穢水咸淳間內侍陳敏賢築室于靈  
芝寺前劉公正于相國祠前洗馬御史鮑度劾  
之遂皆奪職自宋迄今將三百年曠廢不理惟  
相國井西井僅存而城中之井無慮數萬餘未  
必全賴六井也唐宋守臣遞相修浚旋復壅塞

楊思

蓋延引紆遠則筒槽崩裂而相國西井至今不  
岷者蓋有自然之源不係于水口之修不修也  
父老言大旱若宋淳祐間西湖龜拆六井斷流  
獨吳山大井日下萬緆遠近賴之蓋自宋以前  
城市地脉猶帶江滋故多苦惡迨今去江日久  
土膏融液霖雨滲漉鹵斥全消淳釀其淡凡井  
皆良故六井之利不顯當鄴侯時民之仰賴者  
豈可同日語哉○過井亭橋而西宋有俞家園  
諸天閣華嚴院鶴林宮激賞庫卿監郎官宅○  
俞家園在宋初皆荒池汚畝菱稻雜植行潦所

歸故諺云俞家園一雨便撐船自為行都而閭閻輻輳遂成平原其南有九官宅○諸天閣華嚴院晉天福間建尋燬宋紹興三年重建丞相梁克家手書華嚴經一部建輪藏仍作亭于相國井上元末燬○鶴林宮宋慶元間阜道士劉友真者禱雨而應遂請以所寓舍崇奉天將賜額曰鶴林○激賞錢庫以供三省樞密院公用者庫西為小方井其激賞酒庫在錢唐縣南自秦和坊而北至井亭橋其河之東為普濟橋侍郎橋軍將橋施水坊橋河之西為油車巷曲阜橋欽善

坊

普濟橋上有華光廟俗稱斷河頭合湧金之水過惠遷橋軍將橋施水坊橋井亭橋洪福橋觀鼓橋馬家橋八字橋石湖橋結縛橋折而東過衆樂橋衆安橋度生橋與市河合宋咸淳六年安撫潛說友因斷河堙塞開至清湖橋凡四千二百一十丈侍郎橋宋真宗時工部侍郎郎簡所居簡字叔廉性和易喜賓客治園廬以時花木導引服餌顏如渥丹善醫術至老不衰郡守孫沔表其里曰

仁壽坊

軍將橋宋有茉莉園

油車巷之西宋有度牒庫德壽橋今廢入織染局  
曲阜橋在靈壽寺坊前宋有韓樞密府

欽善坊舊名聞善子巷宋有柴場

自井亭橋而北過甘泉坊至清湖橋其街之東為洪  
福橋鞞鼓橋馬家橋西為鮑生姜巷清風坊清河坊  
癸十街

洪福橋之對宋有紫雲坊東有樞密五房院西有  
惠利井又名王蓮池引湖水以入城者水口在

舊王蓮堂基北有楊和王府第王名存中本名  
沂中字正甫紹興間賜名存中代州崞縣人從  
高宗南渡累立戰功封和義郡王高宗假借諸  
將而眷存中尤深第當清湖洪福兩橋之間規  
制甚廣自居其中旁列子舍皆極宏麗落成之  
日縱人遊觀一僧善相宅云此龜形也得水則  
吉時和王方被殊眷從容為上言之欲引湖水  
以環其居高宗首肯曰朕無不可第恐外庭有  
言且密速為之和王即督濠寨兵且募民夫晝  
夜作陰道引水入自五房院出自惠利井蜿蜒

縈遶數百之再宿以事未幾臺臣有疏言擅灌  
湖水私第以象宮禁者上曉之曰朕南渡初群  
盜蜂起用羈縻策刻印封之所有淮淝數郡賴  
諸將宣力羣盜悉平朕籍土地外府庫金帛俱  
置不問故諸將有餘貲以治泉池第圃以存中  
之功雖盡賜西湖曾不爲過況此役已成願卿  
等容之言者遂止旣復建傑閣藏思陵御劄以  
御書風雲慶會四字扁之蓋取大龜俯首下視  
西湖之象以成僧說自此百餘年間無火災紹  
定間其家捨閣于佑聖觀相者謂龜失其首次

年五月大火潭潭數百楹不數刻而燼云

鞞鼓橋之對宋有崇訓坊

馬家橋之對宋有孝慈坊

清風坊宋稱活水巷有莊文太子府

清河坊宋稱古清河坊

癸辛街相傳楊和王第子第於府側取癸辛方向  
其門巷曰癸辛街宋李有有周密公謹居此所  
著有癸辛雜識齊東野語元時有省府廣濟庫  
洪武初賜爲曹國公李文忠宅永樂間籍于官  
今爲民居

西湖志卷之三  
一  
清湖橋與洗麩橋分跨兩河若八字然故名八字  
橋其水過安濟橋安福橋丁家橋長生老人橋  
紀家橋車橋長壽橋新莊橋師姑橋中正橋出  
城外

西湖遊覽志第十四卷

南山分脉城內勝蹟

錢唐田 汝成 輯撰

衢巷河橋

入湧金門而東至三橋街其街之南為湧金池轉運  
橋永安橋惠遷橋北為鑷子井友助巷焦鷄巷六房  
巷

湧金池吳越王時金華令曹杲所鑿也楊蟠詩湧  
金春色晚吹落碧槐花一片何人得流經十萬  
家郭祥正詩衆沼皆涵壁斯池獨湧金寶光終

西河志卷十四  
夜見不是月華深

轉運橋俗稱渡子橋從此而南為曾安橋在運司前河西有桑園巷併入運司又南為福寧橋與油車巷相通併入織染局又南為凌雲橋在府學前其對宋有豐豫坊

永安橋在織染局前宋稱臺後橋

惠遷橋一名金文橋其南宋有金文酒庫內有羅漢洞壘石峴欽塑羅漢於其下其里宋名善俗坊又南為太常寺招勳崇德閣繪趙普曹彬等二十四人從祀太廟者內有汲古泉又名觀音

泉乃法慧寺舊井宋時有石刻云此泉清甘雖旱不竭故老相傳飲之有疾者愈宜愛護之嘉泰改元立石今歸布政司

鑷子井在上方寺南水口在湧金門外城下有水門成化十二年所開者引西湖之水由柳州寺後入城過紅蓮花橋白蓮花橋出曲阜橋合西湖之水

友助巷俗稱四條巷北通洗布園

六房巷與臺後橋對舊有如意橋北為帳前營

入清波門而東至龍舌頭其街之南為菜市巷鐵冶

嶺郭璞井巷金剛嶺巷螺獅山巷聯桂坊北為聖祖巷四條巷石板巷關王廟巷

鐵台嶺宋名豐寧坊南上雲居山者街左仁靜巷宋有景獻太子府嶺下有相公井紹興間節度使趙密所浚

郭璞井相傳晉郭景純所相度者蓋其時杭城苦斥鹵之水甘泉難得景純善相地脉故凡美井多託郭氏為名土人訛為郭婆井

螺獅山一名狗兒山上通烏龍潭

聯桂坊元至元間有周氏兄弟舉進士並登甲榜



大營巷東通勝安倉

撫寧巷內有伏虎廟

獅子巷折北有祇園寺

福地巷折北有旌德觀 國初有浙西分巡道其

北通姚園寺巷

廣福巷舊名寨口巷

馬坡巷宋時稱馬婆巷蓋其時在城外馬院近之

教駒遊牝皆于此地故名馬坡耳自東花園而

南為上馬坡北抵清泰門大街為下馬坡

入永昌門而西過昇仙橋至均土橋其街之南為上

馬坡巷竹竿巷總寧巷武寧巷北為保安巷下馬坡巷演教寺巷什物庫巷板兒巷馬院巷

竹竿巷南通獅子巷北對板兒巷

總寧巷俗稱竹椅巷南通保安橋北對馬院巷

武寧巷一名牛羊司巷宋建牛羊司于此掌御膳

及祭祀之牲有滌宮在赤山

保安巷俗稱水僊巷

演教寺巷內有演教寺

什物庫巷宋時建什物庫于此

板兒巷一名白花蛇散巷北有景隆觀靈順宮

剛寺安樂園平安一橋平安二橋平安三橋俗稱為鬪富橋乃斷河之水也

馬院巷宋建馬院于此內有馬眼井

望僊橋之東宋有德壽宮蔣院使花園紹興十五年四月秦檜建第落成初望氣者言此地有鬱葱之祥檜專國實覬覦焉請以為第檜死高宗將倦勤乃即第築新宮名德壽紹興三十二年禪位于孝宗遷居之以朝禁為南內以此宮為北內鑿池引水疊石為山象飛來峰建冷泉亭規制宏麗詳見備安佚豫志中孝宗內禪移居

此宮改名重華後寧宗以奉憲聖太皇太后改  
名慈福壽成皇太后居之改名壽慈當高宗時  
得盤松一本于聚景園中移值宮苑奇秀絕倫  
高宗嘗鼻為贊曰天錫瑞木得自欽岑枝蟠數  
萬榦不倍尋怒騰雲勢靜奏琴音凌寒鬱茂當  
暑陰森封以腴壤邇以碧潯越千萬年以慰我  
心又嘗躬製祭文祈神保護其文曰維淳熙五  
年歲次戊戌十一月甲戌太上皇帝遣具階張宗  
尹特設牲牢旨酒珍果香花致祭于本宮土地  
之神神有百職職各不同典司草木土示是供

我遊湖園乃獲奇松植之禁苑百態千容婆娑  
偃蓋夭矯騰龍翠色凝露清音舞風醉吟閑適  
予情所鍾雖培封殖久或力窮鳥烏外優蟻蠹  
內攻神其勦絕勿使能終精邪竊據盜斧適逢  
神其呵逐勿使遺踪常令勁節坐閱隆冬堅踰  
五柞弱異雙桐歷千萬年鬱鬱葱葱牲宰旨酒  
嗣錄汝功尚饗

入清泰門而西過崇新橋春熙橋至清泰橋其街之  
南爲水僊巷安肅坊崇新巷南場巷春熙巷九曲巷  
佑聖巷義井巷寧海巷北爲同德坊蒲場巷崇新巷

石板巷北場巷熙春巷豐禾巷高橋巷忠孝巷

安肅巷南通下馬坡內有香餅園菩提巷

崇新巷南通板兒巷

春熙橋一名裝駕橋相傳宋高宗自越州渡江還  
臨安泊舟裝駕于此蓋其時橋在城外故也土  
人訛為臧家橋

南場巷北對北場巷內有假髻堦

春熙巷北對熙春巷

九曲巷對小學巷

佑聖巷南通佑聖觀

義井巷俗稱四眼井咸淳志云水宜染紫

寧海巷俗稱林木梳巷

同德坊南對安肅坊北為北營

崇新巷自北而西為淳佑橋直北為橫河橋

石板巷內有葫蘆堦

熙春巷宋有雙茶坊

豐禾巷宋有豐禾倉

忠孝巷俗稱中沙巷北通回回新橋舟行上河者  
樣此

入慶春門而西至延文坊其街之南為新開路蒲場

巷晉庵坊瓦子巷過天市橋為保信巷舊城基肅義坊福佑巷過蒲橋為三八界巷下八界巷清寧巷過惠濟橋為興忠巷坊和坊延定巷北為文東巷清平街花斗巷信善巷東清巷忠清里安衆巷小福清巷七寶巷大福清巷木塲巷醋坊巷

新開路舊名麻柴巷又名刀茅巷

瓦子巷宋名菜市橋瓦

菜市橋舊在門外上唐沙地宜菜故宋時有東菜

西水南柴北米之謠其河曰菜市河又曰東運河其源本通保安水門自宋築德壽宮而堙

故稱斷河頭也其水過闔富橋春熙橋淳祐橋

橫河橋慶春橋壩子橋出良山水門

保信巷一名保寧巷南通回回墳中班街

舊城基元時禁天下修城故杭城日毀至正十九年張士誠據兩浙改築杭城自良山門至清泰門展出三里而絡市河于內此其舊基也

肅義坊內有佛慧寺

福祐巷俗稱皮市巷折而西南有荷花池紫瓊觀蒲橋東塊亦為昌樂坊

下八界巷宋有崇恩延福院

清寧巷內通西北巷

惠濟橋俗稱鹽橋宋時鹽船待權于此上有廣福廟西塊宋爲興德坊

興忠巷南通豐樂橋

嘉新坊俗稱七郎堂巷又稱祖廟巷 國初有鎮撫司

延定巷俗名糲子巷

文東巷北有潮鳴寺回龍橋

花斗巷內有多佛寺

信筆巷一名信扇巷

東清巷內有半升寨海螵溝

忠清里本名昇平巷北爲褚家堂正德十六年里人胡世寧爲都御史時御史唐鳳儀按浙欲爲世寧建坊於門閭世寧辭之曰僕計借時已得坊費後遭宸濠之難被逮京師當道義助補前之缺家人先後妄費非有司不增加惠也豈敢瞞昧再叨厚貺竊念僕居近褚堂以遂良故里得名近世同里有王公琦者歷官教職御史僉事皆有政蹟而清介絕俗晚年休歸枵腹以歿諸孫見爲傭工項公麒者歷官司務員外郎中

文學廉孝冠絕一時而病歸四十餘年閉戶以終一子貧贅依人蓋以俗尚通達而賤方介以致二公泯滅如是也此堂街口有平安坊蓋取在籍坊名爲額今廢已久欲請于官復造一小石牌上刻三公名氏更題曰忠清里以勵夫人而後死者亦與有榮焉鳳儀從之嘉靖二十六年布政使李默併勒世寧名于土里內東有樞密巷鈴轄巷宋有鈴轄司威乙巷西有大東門轉南樓子營鑿石巷大夾道小夾道梅東巷安衆巷內有青字營錢王所立

七寶巷內有七寶寺

醋坊巷宋時有醋庫十二一在此一在府街後一在菜市橋一在小新營一在棚北橋一在洋壩頭一在井亭橋一在朝天門一在三橋一在龍舌頭一在范浦一在江漲務

入艮山門折而東南爲廣豐倉廣積倉淳祐橋巷白洋池田家灣通齊橋梅家橋

廣豐倉在艮山門內河西

廣積倉在艮山門內河東

白洋池在通齊橋東周三里深不可測持有神物

卷之十四  
潛焉宋淳祐丁未大旱湖水皆涸茲池注歲如  
故郡人翹汲之至有携鬻市中者池上有張家  
寺

通濟橋俗稱梅東高橋其傍有廳脂橋



